



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.









Fig: I








2




3




Fig: I



4




6



5



6



IV. *A Further and more Exact Account of the same, sent in a Letter from Father Camelli, to Mr. John Ray, and Mr. James Petiver, Fellows of the Royal Society.*

De Igasur, seu Nuce Vomica legitima Serapionis.

Catolongay quam alii Cantarà vocant : est Nuces Vomicas legitimas Serapionis ferens planta, quæ arbores qualvis altissimas sese involvendo scandit : Truncus lignosus, levis, porosus, & brachialis quandoque crassitudinis, corticisque scabri, crassi, et cinerei : Folia ampla, nervosa, amara, Folio fermè similia : Florem Balaustræ similem fructus in sequitur Melone major, qui delicatissima cuticula quæ splendens, lævis, et viroris luridi, ceu Alabastrini coopertus, subter quam alius cortex delitescit substantiæ quasi lapidescentis. In hoc, carne amaricante, flavâ, & molli, qualis est caro fructus Mangæ, interjectâ, nostræ, seu legitimæ Serapionis Nuces Vomicae, quæ recentes ab argentea lanugine splendant, juglandinis vix non pares, inæquales, variæque formæ, non rarò quatuor, & viginti coarctantur ; quas Indus Igasur, & Mananaog, id est, Victoriosas, Hispanus Nucleos, s. pepitas de Byfayas, aut Catbalogan, alii Fabas Sancti Ignatii vocant. Hæ resiccatae avellanâ nuce cum putamine pares, aut etiam paulò majores, nodosæ, durissimæ, diaphanæ, & quasi corneæ substantiæ sunt, saporis semine citri multò intensius amari, coloris autem inter albam, & glaucum, prout & Serapio tradidit.

Multi nescio quo oraculo edocti, Nucem Igasur reticulæ fructus Salagsalag immittunt, ex collo suspensum gerunt, & ità ab omni veneno, peste, contagio, incantationibus magicis, Philtris, & specialiter à sopito, seu veneno, quod solummodo insufflatum perimere narrant, imò & ab ipso dæmone se liberos, ac immunes esse imaginantur.

Quod Ch. Miralles in suis collectaneis affirmat scribens non tantum virtutem habere depellendi corporis morbos, sed & malignis spiritibus speciali quadam oppositione resistendi; Magos etenim Barangas dictos ad præsentiam hujus nucis inquietari, conturbari, & sudore suffundi ac si in nescio quo arduo negotio, angustiis, periculisque pleno versarentur. Quòd experientiâ didicisse, insuper, & id ipsum sibi alios fide dignos viros affirmasse addit. Unde pactum cum dæmone habere dictos Barangas, seu maleficos herbarios suspicatur, præsertim cum rumor ferat hosce impios medicos, si in simplicium cognitione erudiri velint, consanguineorum proximum interimere obligari.

Alii à jam dicto sopito, seu toxici insufflamine quo malevoli Indi passim quos male cupiunt perimunt, Alexium Lopez in Guiguan, & Petrum Oriol, præter alios hacce nuce præmunitos, servatos fuisse ferunt. Sumunt autem, uti Vulgus narrat supradicti Herbarii eis familiaria et nota Aconita, quæ faucium latere uno recondunt, buccâ alterâ verò contrayerbas, prouti hujates loquuntur, id est, antidota, nè videlicet sibimet ipsis mortem mastitent: his ità ore detentis arte, & dexteritate diabolicâ sibi contrarios, & infensos viperarum more intoxicato halitu impetunt, quo perculsi, ac perplexi mox humi prosternuntur, & animam agerent, nisi eis jam experto remedio hacce scilicet nuce opem ferant. Addunt si quis hanc nucem secum portarit, ipsum qui similibus deleteriis buccellis alterum interficere attentaverat

penas confestim luere Talionis, uti Indus qui, Alexium Lopez inter fiktas amicitias, de medio tollere cupiens, casualiter hanc nucem secum habentem expertus fuit: quâ occasione primùm Hispanis innotuit Igasur virtus, & efficacia. Quomodo autem naturaliter ut non nulli volunt, Igasur virtutem toxici, in distans agendo repellat, judicent alii.

Pulveris Igasur ʒj. quondam Vincentio Olzinæ temperamenti melancholici prædito ad vomitum ciendum propinavi: Hic dyspepsia, diarrhæa, & frequenti vomitu, cum ructibus acidis, nec non flatuum copia molestabatur; sed statim ac sumpsisset tremore totius corporis trium horarum spatio persistente, unâ cum pruritu, & vellicationibus convulsivis horrendis ut pedibus insistere nequiverit, quæ in maxillis vehementiores erant, ac magis molestæ, ita ut quodammodo ridere cogeretur: correptus fuit. Nulla interim notabili pulsus alteratione, Vomitu, aut alio quopiam insequente symptomate. De reliquo dein non nihilum melius sensit.

Similem tremorem, & convulsiones spasmodicas quas V. Olzina expertus fuit, sensit, & passus est Johannes Osaëta, unâ cum summa præcordiorum angustia, vertigine, animi deliquio, & sudoribus frigidissimis. Hic Melancholico-Hypochondriacus sanitatis cupidus nucem recentem integram devoraverat. Cui oximel, & oleum cum tepida exhibendo, quo plurimum viscosi phlegmatis cum nucis particulis rejecit, opem tuli.

Joachimus Assin Nucis sumpserat partem tertiam & simili modo ut V. Olzina, & Johannes Osaëta ultra tres horas affectus fuit. Hic præter motus contractivos, & involuntarios, formicationis sensum, & specialiter in capite expertus fuit. Similes denique pœnas, A. Varaona, A. Girau, & alii luere.

Vulgus autem Nucem Igasur, ad cunctâ absolutè corporis humani mala amovenda, nullâ habitâ temporis, morbi, ætatis, aut dosis ratione indifferenter exhibet, & adhibet, miraculososque inde subsequutos effectus narrat, narrat videlicet magnificiendo suam Panacæam, & de prædicat successûs bonos, reticens infausos: Nec dubium quin aliquando, à tam vehementi spirituum animalium irritatione, ac alteratione humorum ab hac nuce causatâ, hæterogenea, ac incongrua una cum tam infesti medicamenti particulis eliminentur, quibus rejectis, humoribusque crasi meliori restitutis, sanitas optata subsequatur.

Qua ratione virtute polleat, & repellendi, & alliciendi uti vulgus opinatur, nunc scilicet sanguinem de vulneribus profluentem sistendo, nunc Lapidis colubrini instar, venenum è viperarum, aut etiam aliorum venenum vibrantium animalium morsibus, uti è vulneribus telis intoxicatis inflictis proliciendo: ignoro.

Nucis Igasur denique vires, & virtutes, non propriâ experientiâ, sed relatione acquisitas, nec non de variis Indorum, aliorumve curiosorum, & observationibus, & adnotationibus excerptas, ac collectas, amicè quondam à Dominico Conzales rogatus in formam digesti sequentem.

Modus ordinarius, & communis utendi Nuce Igasur est, imponendo eam integram tantillo aquæ calidæ, spatio donec amara reddatur, exhibendo dein dictam infusionem. Alii pulveris modicum in substantia propinant. Alii unam, alteramve offerunt deglutiendam frustulam. Alii nucem integram Amuleti ritu de collo suspensam gerunt.

Vomitum pluries causare solet, dejectiones nonnunquam, motus spasmodico-convulsivos ferè semper in Hispanis, Indis non. In Veneni periculo, & spirituum inordinatè tumultuantium conflictu, posthabitâ temporis

ratione usurpanda erit : In aliis accidentibus, aut morbis jejuno ventriculo in aurora, attamen vomitûs ciendi gratiâ convenientius unâ alterâve post assumptum cibum hora dosi ðss. cum aliis levioribus vomitum cientibus exhibebitur.

Qui nucem integram secum portarint, affirmant mulri (fides sit penes authores) præservare à Peste, incantationibus magicis, philtris, sopro, seu herbarum venenatarum afflato, aëris præterea nescio quo ut volunt contagio, Hispanis Malaire, & pasmo, id est, stupore, Indis Soutan (à quo similiter præservare ferunt corallium nigrum, Ungulam Rhinocerotis, Dumbagam, Ingo, & Testudinis scutum :) Catalepseos attamen species potius esse videtur, eo etenim correpti terrore veluti pánico perculsi corruunt, sensibus & voce privati obstupescunt, mortuivæ sæpius similes obrigescunt : Revulsoria verò, & crudeli musculorum in tibiis, ac brachiis flagellatione, quâ sanguis inibi aggestus dein scarificationibus elicitur, revocantur, & curantur.

Nucis frustulum, aut fragmentum (aut rasuræ modicum) Viperæ, Bafil, est Erucae pilosæ, atque nociferæ, ad tactum vehementem pruriginem causantis species, aut aliorum venenatorum animalium morsui, vulneri sagittæ, vel alio intoxicato telo facto adimpositum, venenum lapidis Culebrini instar adhærendo extrahere communicavit F. de la Zarza. Alii in hæmorrhagia narium, & ad sanguinem è vulneribus profluentem sistendum, pulverem recommendant.

In Malviento, Malaire, Soutan, & pasmo, Catalepseos species est, stupore, Apoplexia, Paralyfi, sive syderatione, lethargo, Epilepsia, Morbo caduco, astmate, & catharro maligno, ac suffocante, dentium dolore, & aliis defluxionibus frustellum supponitur linguæ apophlegmatizandi gratiâ, ita enim caput à copia viscosi phlegmatis liberatum, ægri pluries levamen percipiunt, & sæpius

sæpius jamjam agonizantes, ut ità dicam resuscitentur, & aut confiteri, aut alia quæ pro tunc conveniunt declarare valent.

Pulverem, aut infusum, aut oleum infra descriptum propinant, & dilaudant in febris tertiana & quartana. Veneni periculo, aut supra: Sopro, Buyasso, est Buyo, seu Betele confectio mortifera (cum semine ut opinor stramonii, aut simili narcotico) quæ si assumpta non perimit, hominem perplexum, attonitum, hebetem, stupidum, & torpidissimum reddit: Ab hujuscemodi confectioe devorata, aut masticata, infra posito oleo curata fuisse scio, & Botete sardinæ nocivæ comestæ suspicione.

Ad urinas item, menses, & Puerperia suppressa provocanda, partum difficilem facilitandum, secundinam, fætum mortuum & Lumbricos expellendos efficacem reperi.

In dolore colico præterea, cibi indigestione, cruditate ventriculi, & concoctione læsa, diarrhæa, Tenesmo, & obstructione Epatis, ac lienis, uti & in omnibus supra enumeratis morbis exhibent.

Oleum verò ex Igasur simpliciter infusione paratum, emeticum est efficacissimum, valet ad eadem ad quæ nux ipsa, hoc ad magi Barang præsentiam effervesce, & vase quo asservatur exilire vir retulit fide dignissimus. Idem & alii in suis scriptis affirmant.

Hoc Oleum alii efficacius reddere cupientes componunt: Ex Igasur, Tambal de Garigara, Tambal de Sangil, Tambal de Bornei, Salagsalag, Camaesa, Manungal, Alagao, Salibutbut, Tambalisay Marbar Molavin, Borogtongon, Palyaccan Panambuc, Pancoro, Nola lasso, Bagatapon, Oringun, & aliis, vulgò jazeite de Tambal, à cortice sc. emetico Mananangtang appellatur, Violenter purgat per superiora, & inferiora, dosi ʒj. ʒij.

Lignum

Lignum Sanctum Luzonis Quaiaco utiliter substituitur, de reliquo concoctionem adjuvat, & dejectam ciborum excitat appetentiam. *N. B.* Prægnantibus exhiberi non potest, quin abortum patiantur.

Lignum Colubrinum Manungal, decoctum ejus venenis omnibus, venenatorumque animalium morfibus succurrit, febrifugum est, & anti-astmaticum, obstructions inveteratas referans, & abjectam ciborum restaurans appetentiam: Ictero præterea, octo dierum spatium in aurora haustum medetur, lumbricos pellit, & colicos dolores mitigat. Decoctum ex ℞ij. paratum, dejectiones ferme quinas causare solet.

Cortex Vomitorius Mananangtang, datur in pulvere à ℞j. ad ℞iv. pituitosa & lenta, nec non biliosa per vomitum, & secessum potenter evacuat, unde in febribus, ventriculi repletionem, aut ex humoris viscosi turgescencia, cachexia, & hydropse feliciter exhibetur. In omni veneni periculo c. decocto Manungal, & ad ventris lumbricos educendos plurimum facit, &c.

The Figures of the Leaves, Flowers, &c. of this Plant are in the Table. Vide fig. 4, 5, & 6.